

全上古三代秦漢三國六朝文

全晉文卷一百二十二

烏程嚴可均校輯

郭璞三

山海經圖贊上

謹案隋唐志山海經圖贊二卷郭璞撰玉海引中興書目云山海經十八卷郭璞傳凡二十三篇每篇有贊近代惟明道藏本有贊起卷一止卷十三而卷十四大荒經已下贊闕其見存者次第與經文不盡合又中山經有太室山騰蛇二贊審觀是爾雅贊又中山經鬼草贊見御覽四百六十九藏本無又郭注中銘曰云云與羣書所引贊同是銘卽贊而藏本東山經畫贊與注中銘及廣韻八木所引之贊絕異又中山經跋踵贊與注中銘亦絕異是藏本或經改補非但脫闕又晉時張駿亦有圖贊見御覽九百三十九或藏本雜呂張贊亦未可知今從各書寫

出六十七篇益曰藏本共得二百六十六篇依經文先後編次
之仍依隋唐志分為二卷就中尙多舛誤無從攷定也

南山經

桂

桂生南裔拔萃岑嶺廣莫熙葩凌霜津穎氣王百藥森然雲挺文
類聚八十九

說文繫傳

祝茶草

藥經作祝餘注云或作桂茶

旋龜鵠鵠鳥

祝茶嘉草食之不飢烏首虺尾其名旋龜鵠鵠六足三翅並道

本山

迷穀

爰有奇樹產自招搖厥華流光上映垂霄佩之不惑潛有靈標藏

狴狴

狴狴似狐藏本走立行伏懷水挺方涎醒明目藏本作據木挺飛

廉込足豈食斯肉御覽九百八引前四句截本

白猿

白猿肆巧由基撫弓應晒而號神有先中數如循環其妙無窮御覽九百一十御覽九百一十

水玉

水玉冰鱗潛映洞川赤松是服靈蛻乘煙吐納六氣升降九天御覽九百一十

類聚七十八

鹿蜀

鹿蜀之獸馬質虎文攘首吟鳴矯矯騰羣佩其皮毛子孫如雲御覽九百一十

九百一十三

鯨

魚號曰鯨處不在水厥狀如牛鳥翼蛇尾隨時隱見倚乎生死御覽九百一十三

御覽九百一十三
九引前四句

類

類之爲獸一體兼二近取諸身用不假器窈窕是佩不知妒忌

本藏

搏詭

搏詭侶羊眼乃在背視之則奇推之無怪飲不恐懼厥皮可佩

本藏

九百
十三

灌灌鳥赤鱗魚

厥聲如訶厥形如鵠佩之辨惑出自青丘赤鱗之狀魚身人頭

本藏

御覽九百三十
九引末二句

鴉鳥

彗星橫天鯨魚死浪鴉鳴于邑賢士見放厥理至微言之無況

本藏

長右麋

長右四耳厥狀如猴實爲水祥見則橫流疏虎其身厥尾如牛

本藏

猾褻

猗褻之獸見則興役聘政而出匪亂不適天下有道幽形匿跡本

會稽山

禹徂會稽爰朝羣臣不虔是討乃戮長人玉璽表夏玄石勒秦類聚

患

有獸無口其名曰患害氣不入厥體無阴至理之盡出乎自然本

纂雕瞿如鳥虎蛟

纂雕有角聲若兒號瞿如三手厥狀似鵝魚身蛇尾是謂虎蛟本

犀

犀頭似豬形兼牛質角則併三分身互出鼓鼻生風壯氣隘溢本

兕

兕惟壯獸似牛青黑力無不傾自焚呂革皮充武備角助文德類聚九十五

象

象實魁梧體巨貌詭肉兼十牛目不踰豕望頭如尾動若巨徙

類聚九

十五

鳳皇

鳳皇靈鳥實冠羽羣八象其體五德其文附翼來儀應我聖君

類聚九

十九

青隧谷

青隧之谷爰含凱風青陽既謝氣應祝融炎雰是扇已散鬱隆

鱧魚鰓鳥

鰓鳥栖林鱧魚處川俱爲旱徵災延普天測之無象厥類爲玄

九百三

十九

白苔

白苔罨蘇其汁如飴食之辟穀味有餘滋逍遙忘勞窮生盡期

本草

西山經

城羊

月氏之羊其類在野厥高大尺尾亦如馬何已審之事見爾雅初

記二十九

華山

華嶽靈峻削成四方爰有神女是挹玉漿其誰遊之龍駕雲裳文

類聚七初

鳴渠赤鷺鳥文莖木鷗鳥

鳴渠已歿赤鷺辟火文莖愈螿是則嘉果鷗亦衛災厥形惟麼本

肥遺蛇

肥遺為物與災合契鼓翼陽山已表亢厲桑林既禱倏忽潛逝本

流楮

沙則潛流亦有運楮于已求鐵趨在其下蠲牛之癘作采于社本

黃雀草肥遺鳥蹄獸

浴疾之草。厥子赭赤肥遺。侶鷄其肉已疫。蹄獸長臂爲物好擲。

豪雉

剛鬣之族。號曰豪猱。毛如攢錐。中有激矢。厥體兼資。自爲牝牡。

類聚九十五初學記二十九御覽九百三十六

橐蜚

有鳥人面一脚。孤立性與時反。冬出夏蛰。帶其羽毛。迅雷不入。

桃枝

竹類。產巴厥。名桃枝。叢薄幽蒼。從風蔚猱。簞曰盭。寢杖曰扶危。

一百三十三莪文類聚六十九

薈容草。谿邊獸樸鳥。

有華無實。薈容之樹。邊谿類狗皮。厥妖醜。黑文赤翁。鳥愈隱。痔鸚

鷓鷩。青羽赤喙。

本

杜衡

狴狴狴人杜衡走馬理固須因體亦有假足駿在感安事御者

藏本

譽石

稟氣方殊件錯理微譽石殺鼠蠶食而肥物性雖反齊之一歸

藏本

櫻如

櫻如之獸鹿狀四角馬足人手其尾則白貌兼三形攀木緣石

藏本

數斯鳥擊獸鷓鴣鳥

數斯人腳厥狀似鷓擊獸大眼有鳥名鷓兩頭四足翔若合飛

藏本

鷓鴣

鷓鴣慧鳥棲林啄藥四指中分行則目黃自貽伊籠見幽坐伎

藏本

類聚九十一
初學記三十

鷓鴣

鷓鴣女狀鳳出丹穴拊翼相和目應聖哲擊石靡詠韶音其絕

藏本

類聚九十九書
鈔一百五十八

崑僂烏朱厭獸

崑僂朱厭見則有兵類異惑同理不虛行推之自然厥數難明

藏本

鸞

比翼之鳥侶崑青赤雖云一形氣同體隔延頸離鳥翮飛合

藏本

丹木玉膏

丹木焯焯沸沸玉膏黃軒是服遂攀龍臺眇然升遐羣下鳥號

藏本

瑾瑜玉

鍾山之寶爰有玉華光采流映氣如虹霞君子是佩象德閑邪

藏本

類聚人
十三

鍾山之子鼓欽磬

欽磬及鼓是殺祖江帝乃戮之昆侖之東二子皆化矯翼亦同

藏本

鯨魚

見則已。惟厥名曰鱗。經營二海。矯翼閉霄。唯味之奇。見歎伊庖。

本藏

神英招

槐江之山。英招是主。巡遊四海。撫翼雲儻。實惟帝胤。有謂乎圃。

本藏

搖木

搖惟靈樹。爰生若木。重根增駕。流光旁燭。食之靈化。榮名仙錄。

本藏

崑崙巨

崑崙月精。水之靈府。惟帝下都。西羌之宇。嶸然中峙。號曰天柱。

本藏

七類聚

神陸吾

肩吾得一。曰處崑侖。開明是對。司帝之門。吐納靈氣。熊熊魂魂。

本藏

土螻獸欽原鳥

土螻食人。四角佻羊。欽原類蜂。大如鴛鴦。觸物則斃。其銳難當。

本藏

鴝鳥沙棠寶寶草

司帝百服其鳥名鶡沙棠之實惟果是珍爰有奇菜厥號曰蕢藏本

沙棠

安得沙棠制為龍舟汎彼滄海眇然遐遊聊已逍遙任彼去留藏本

案注引銘曰安得沙棠刺曰舟汎彼滄海曰趙曰游銘即圖查疑制刺乃刺字之誤

神長乘

九德之氣是生長乘人狀豹尾其神則凝妙物自潛世無得稱藏本

西王母

天帝之女蓬髮虎顏穆王執轡賦詩交歡韻外之事雖曰具言藏本

積石

積石之中寶出重河夏后是導石門湧波珍物斯備比奇崑阿藏本

白帝少昊

少昊之帝號曰金天魄氏之官亦在此山是司曰入其景則具藏本

猗

章報之山奇怪所宅有獸伯豹厥色惟赤五尾一角鳴如擊石

藏本

畢方

畢方赤文離精是炳旱則高翔鼓翼陽景集乃流災火不炎正

藏本

文貝

先民有作龜貝爲貨貝曰文移賈曰大小簡則易從犯而不過

藏本

天狗

乾麻不長天狗不大厥質雖小攘災除害氣之相王在乎食帶

藏本

江疑獬狃獸鸛鳥

江疑所居風雲是潛獸有獬狃毛如披蓑鸛鳥一頭厥身則兼

藏本

青鳥

山名三危青鳥所憩往來崑崙王母是隸穆王西征旋軫斯地

藏本

類聚九十一御覽九百二十七

神菁童

顓頊之子，嗣作火正，鑿鈴其鳴，聲如鍾磬，處于魏山，唯靈之盛。

帝江

質則混沌，神則旁通，自然靈照，聽不佞聰，強爲之名，曰在帝江。

源獸

案經作謹注云或作原

鵠鵠三頭，獬豸三尾，俱禦不祥，消凶辟眚，君子服之，不逢不韙。

當扈

鳥飛曰翼，當扈則翼廢，多任少沛，然有餘輪，運于轂，至用在無。

白狼

矯矯白狼，有道則遊，應符變質，乃銜靈鈎，惟德是適，出殷見周。

類聚九十九又御覽九百九十

白虎

虺虺之虎，仁而有猛，其質載皓，其文載炳，應德而擾，止我交境。

神媿鸞鸞，鬻遺魚

其音如吟一腳八面鼠身鼈頭厥號曰蠻目如馬耳食厭妖變藏本

駮

駮惟馬類實畜之英騰旌駮首噓天雷鳴氣無不浚吞虎辟兵藏文

類聚九十五御覽八百九十二

榱木

榱之爲木厥形似榱若能長服拔樹排山力則有之壽亦宜然藏本

窮奇獸羸魚孰湖獸

窮奇如牛蝟毛自表濛水之羸匪魚伊鳥孰湖之獸見人則抱藏本

烏鼠同穴山

鴝鷓二蟲殊類同歸聚不巳方或走或飛不然之然難巳理推藏本

鱧魚

物曰感應亦不數動壯士挺劍氣激江湧鱧魚潛淵出則民悚藏本

九百三十九

鯨鯨魚

形如覆鉢苞玉含珠有而不積泄曰尾間閣與道會可謂奇魚御覽

九百三十九

丹木

爰有丹木生彼消盤厥貫如瓜其味甘酸鑄痾辟火用奇桂蘇

北山經

水馬

馬寶龍精爰出水類渥洼之駿是靈是瑞昔在夏后亦有何駟蘇

臙疏獸鵠鵠鳥何羅魚

脈火之獸厥名臙疏有鳥自化號曰鵠鵠一頭十身何羅之魚蘇

儵

泊和損平莫慘于憂詩詠萱草山經則儵怒焉遺岱聊曰盤游蘇

御覽九百三十七引前四句

孟槐

孟槐侶豹其豪則赤列象畏獸凶邪是辟氣之相勝莫見其迹本藏

鰭鱗魚

政翮一運十翼翻翻厥鳴如鵠鱗在羽端是謂怪魚食之避燔本藏
御覽九百三十
九引前四句

橐駝

駝惟奇畜肉鞅是被迅鴛流沙顯功絕地潛識泉源微乎其智藏
類聚九十四又初學記二十九作微乎其智又御覽九百一末句作微其智慧

寓鳥孟極足警獸

鼠而傅翼厥聲如羊孟極侶豹或倚無良見人則呼號曰足警本藏

耳鼠

蹠實已足排虛已羽翹尾鬣飛奇哉耳鼠厥皮惟良百毒是禦本藏

幽頰

幽頰伶猿俾忍作智觸物則笑見人佯睡好用小慧終是嬰繫本

御覽九百十

三引前四句

鳩鳥

毛如雌雉朋翔羣下飛則籠日集則蔽野肉驗鍼石不勞補寫本

諸健獸白鶴竦斯鳥

諸健善吒行則銜尾白鶴竦斯厥狀如雉見人則跳頭文如縑本

磁石

磁石吸鐵琥珀取芥氣有潛通數亦冥會物之相感出乎意外文

類聚

六

旄牛

牛充兵機兼之者旄冠于旌鼓爲軍之標匪肉致災亦毛之招本

長蛇

長蛇百尋厥鱗如旒飛羣走類靡不吞噬極物之惡盡毒之厲文

類聚九

十六

葵窳諸懷獸鰾魚肥遺地

葵窳諸懷是則害人鰾之爲狀半鳥半魚藏本作羊肥遺之地一

頭兩身藏本鄒覽九百三十九引中二句

山獬

山獬之獸見乃歡號厥性善投行如矢繳是惟氣精出則風作御覽

九百

獬獨狎

有獸如豹厥文惟縵閭善躍嶮驛馬一角虎狀馬尾號曰獨狎藏本

魼魚

陽鑿動日土虵致背微哉魼魚食而不驕物有所感其用無標藏本

御覽九百三十九引下四句

抱鴉

狌鴉貪林其目在腋食人未盡還自齧割圖形妙鼎是謂不若

藏本

鸞鴟

禦賜之鳥厥名鸞鴟昏明是互晝隱夜覩物貴應用安事鸞鴟

藏本

居暨厥跼鳥三桑

居暨豚鳴如巢赤毛四翼一目其名曰蹶三桑無枝厥樹唯高

藏本

暉獸

驩獸四角馬尾有距涉歷歸山騰險躍岨厥貌惟奇如是旋舞

藏本

鵠鳥象她鰭父魚

有鳥善驚名曰鵠鵠

操恩及經皆不重言鵠此句當作其名曰鵠

象她侶雉自生子孫

鰭父魚首厥體如豚

藏本御覽九百三十九引末二句

天馬

龍馮雲遊騰蛇假霧未若天馬自然凌翥有理懸運天機潛御

藏本

鵬居

鷓居如鳥青身黃足食之不飢可曰辟穀內厥惟珍配彼丹木本

飛鼠

或曰尾翔或曰髯凌飛鼠鼓輪脩然背騰用無常所惟神是馮初

記二十九

酸與

景山有鳥稟形殊類厥狀如蛇脚二翼四見則色恐食之不醉本

鵠鵠黃鳥

鵠鵠之鳥食之不臆爰有黃鳥其鳴自叫婦人是服矯情易操本

精衛

炎帝之女化爲精衛况形東海靈爽西邁乃銜木石曰填攸害本

類聚九十二

辣辣罷九獸大蛇

辣辣侶羊眼在耳後竅生尾上號曰罷九幽都之山大蛇牛响本

東山經

鱗鱗魚從從獸齒鼠

魚號鱗鱗如牛虎駭從從之狀偁狗六腳齒鼠如雞見則旱酒

御覽九百三十
九引前二句

堪孖魚輪輪獸

堪孖輪輪殊氣同占見則洪水天下昏墊豈伊妄降亦應牒識

條鱗

條鱗蛇狀振翼灑光憑波騰逝出入江湖見則歲旱是維火祥

狷狷

狷則含珠獸胡不可狷狷如豚被褐懷禍患難無由招之自我

珠鱉魚

澧水之鱉狀如浮肺體兼三才已貨賈害厥用既多何已自衛

御覽九百三十
九引前四句

狢狢

狢狢之獸見人佯眠與災協氣出則無年此豈能為歸之干天本

朱孺

朱孺無奇見則色駭通感靡誠維數所在因事而作未始無待本

狸力獸鳥胡鳥案經無狸力

狸力鷲胡或飛或伏是惟土祥出興功築長城之役同集秦域本

微微蠶蚨獸絜鉤鳥

微微如狐有翼不飛九尾虎爪號曰蠶蚨絜鉤伯鬼見則民悲本

袞袞

治在得賢亡由夫人袞袞之來乃致狡宥歸之冥應誰見其津本

嬰胡精精獸鯨鯢魚

嬰胡之狀似麋魚眼精精如牛巨尾自辨鯨鯢所潛厥深無限本

蟾龜

水圓三方

藏本作四

潛源溢沸，蟻龜爰處，掉尾養氣，莊生是感，揮竿

傲貴

初學記三十

獨狙獸魁雀

獨狙狡獸，魁雀惡鳥，或狼其體，或虎其爪，安用甲兵，擾之已道

藏本

芭木

馬維剛駿，塗之芭汁，不勞孫陽，自然閑習，厥術無方，理有潛執

藏本

芭魚薄魚

有魚十身，蘼蕪其臭，食之和體，氣不下瀦，薄之躍淵，是爲災候

當康獸鰓魚

當康如豚，見則歲穰，鰓魚鳥翼飛，乃流光，同出殊應，或災或祥

藏本

合窳

豬身人面，號曰合窳，厥性貪殘，物爲不咀，至陰之構，見則水雨

藏本

蜚

蜚之爲名體侶無害所經枯竭甚于鳩厲萬物攸懼思余遐逝人未引郭璞山海經注今東山經注讀作銘攸懼作斯懼餘皆同而裁本之讀絕異疑莫能明

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百二十二終

全晉文卷一百二十三

烏程嚴可均校輯

郭璞四

山海經圖贊下

中山經

赤銅

昆吾之山名銅所在切至如泥火炎其采尸子所歎驗之汲宰

文類

類聚八
十四

鬼草

焉得鬼草是樹是藝服之不憂樂天傲世如彼浪舟任波流滯

御覽

四百六
十九

鵠

鵠之爲鳥同羣相爲疇類被侵雖死不避毛飾武士兼厲呂義

文類

類聚
九十

鳴蛇化蛇

鳴化二蛇同類異狀拂翼俱遊騰波漂浪見則並災或淫或亢

藏本

馬腹獸飛魚

馬腹之物人面佶虎飛魚如豚赤文無爪食之辟兵不畏雷鼓

藏本

藏文類聚二宋本初學記一引下
四句御覽九百三十九引末二句

神熏池

秦逢虎尾武羅人面熏池之神厥狀不見爰有美玉河林如蓓

藏本

神武羅

有神武羅細腰白齒聲如鳴佩目錄貫耳司帝密都是宜女子

藏本

鳩鳥

鳩鳥佶覺翠羽朱目既麗其形亦奇其肉婦女是食子孫繁育

藏本

荀草

荀草赤實厥狀如菅婦人服之練色易顏夏姬是豔厥媚三還本藏

神泰逢

神號泰逢好遊山陽濯足九州出入流光天氣是動孔甲迷惶本藏

旋龜人魚修辟

聲如破木號曰旋龜修辟伯龜厥鳴如鴟人魚類鮪出于洛伊本藏

鳴石

金石同類潛響是輶擊之雷駭厥聲遠聞苟曰數通氣無口口本藏

桃林

桃林之谷實惟塞野武王克商休牛風馬阨越三塗作險西夏本藏

若華

案經作若辛

烏酸草

案經作馬酸

療瘡之草厥實如瓜烏酸之葉三成黃華可曰為毒不畏蛇蝎本藏

帝臺棋

茫茫帝臺維靈之貴爰有石棋五彩煥蔚觴禱百神曰和天氣本藏

葶草

葶草黃華實如菟絲君子是佩人服媚之帝女所化其理難思藏本

山膏獸黃棘

山膏如豚厥性好罵黃棘是食匪子匪化雖無貞操理同不嫁藏本

天橋牛傷文獸騰魚

牛傷鎮氣天橋弭噫文獸如蜂枝尾反舌騰魚青斑處于達穴藏本

三足龜

造物維均靡偏靡頗少不爲短長不爲多貴能三足何異龜藏本

嘉榮

靈維天精動心駭目曷目禦之嘉榮是服所正者神用口腸腹藏本

帝休

帝休之樹厥枝交對竦本少室曾陰靈靈君子服之匪怒伊愛藏本

泰室

嵩維岳宗華岱恆衡氣通天漢神洞幽明鬼然中立眾山之英

藏本

柏木

爰有嘉樹厥名曰栢薄言采之窈窕是服君子惟歡家無反目

藏本

萵草

萵草赤莖實如嬰菓食之益智忽不自覺殆齊生知功奇于學

藏本

薊柏

薊柏白華厥子如丹實肥變氣食之忘寒物隨所染墨子所歎

藏本

菝

大駝之山爰有萃草青華白實食之無夭雖不增齡可已窮老

藏本

橘櫛

厥苞橘櫛奇者維甘朱實金鮮葉情翠藍靈均是詠已爲美談

藏本

鮫魚

魚之別屬厥號曰鮫珠皮毒尾匪鱗匪毛可已錯角兼飾劔刀

藏本

神巖圍計蒙涉巖

涉巖三脚巖圍虎爪計蒙龍首獨稟異表升降風雨茫茫渺渺

本

鴉鳥

蝮維毒魁鴉鳥是噉拂翼鳴林草瘁木慘羽行隱戮厥罰難犯

本

椒

椒之灌植實繁有倫薰林列薄醉其芬辛服之不己洞見通神

文

類聚八十九

岷山

岷山之精上絡東井始出一勺終致淼溟作紀南夏天清地靜

文

類聚八

夔牛

西南巨牛出自江岷體若垂雲肉盈千鈞雖有逸力難已揮輪

本

崆山

岵峽峻嶮其坂九折王陽逡巡王母遲飢殷有三仁漢稱二哲木

狔狼雍和猴獸

狔狼之出兵不外擊雍和作恐狔乃流疫同惡殊災氣各有適木

雌

萬屬之才莫過于雌兩則白懸塞鼻曰尾厥形雖隨列象宗彝木

熊兇

熊山有兇神人是出與彼石鼓象殊應一祥雖先見厥事非吉木

跂踵

跂踵為鳥一足似夔不為樂與反曰來悲中山經注銘曰云云

廣韻人未所引之譜同則此銘即讚也
而蘇本所載之譜與此絕異疑莫能明

奇耕禦疫跂踵降災物之相反各召氣來見則民各實為病媒蘇

蛟

匪虺匪龍鱗采暉煥騰躍濤波蜿蜒江漢漢武飲羽飲飛壘斷蘇

類聚九

十六

神耕父

清冷之水在于山頂耕父是遊流光灑景矚首祀祭曰弭災售本

九鍾

曉崩溼嶽麟鬪日薄九鍾將鳴凌霜乃落氣之相應觸感而作本

嬰勺

支離之山有鳥侶鵠白身赤眼厥毛如勺維彼有斗不可已酌本

獬

有獸虎爪厥號曰獬好自跳撲鼓甲振奮若食其肉不覺風迅本

帝臺漿

帝臺之水飲罇心病瘳府是滌和神養性食可逍遙濯髮浴沐本

狙如

狙如微蝨厥體無害見則師興兩陣交會物之所感焉有大小本

帝女桑

爰有洪桑，生濱淪潭，厥圍五丈，枝相交參，圍者，是采帝女所織。

類聚人十八

移卽梁渠聞獮獸馱餘鳥

梁渠致兵，移卽起災，馱餘碎火物，各有能聞獮之見，大風乃來。

神于兒

子兒如人，蛇頭有兩，常遊江淵，見于洞廣，乍潛乍出，神光惚恍。

神二女

神之二女，爰宅洞庭，遊化五江，惚恍窈冥，號曰夫人，是維湘靈。

海外南經

自此山來，蟲爲蛇，蛇號爲魚。

賤無定貴，貴無常珍，物不自物，自物由人，萬事皆然，豈伊蛇鱗。

羽民國

鳥喙長類羽生則卵矯翼而翔籠飛不遠人維俛屬何狀之反

藏本

神人二八

羽民之東有神司夜二八連臂自相羈駕晝隱宵出詭時淪化

藏本

謹頭國

謹國鳥喙行則杖羽潛于海濱維食稊秬實維嘉穀所謂濡黍

藏本

厥火國

有人獸體厥狀怪誕吐納炎精火隨氣烈推之無奇理有不熱

藏本

三珠樹

三珠所生赤水之際翹葉相竦美壯若擘濯彩丹波自相霞映

藏本

戴國

不蠶不絲不稼不穡百獸率舞羣鳥拊翼是號戴民自然衣食

藏本

貫倒交脛支舌國

鑠金洪爐灑成萬品造物無私各任所稟歸于曲成是見兆朕

藏本

不死國

有人爰處員丘之上赤泉駐年神木養命粟此遐齡悠悠無竟本藏

鑿齒

鑿齒人頰實有傑牙猛越九嬰害過長蛇堯乃命羿斃之壽華本藏

三首國

雖云一氣呼吸異道觀則俱見食則皆飽物形自周造化非巧本藏

焦僂國

羣籟舛吹氣有萬殊大人三丈焦僂尺餘混之一歸此亦僂如本藏

長臂國

雙肱三尺體如中人彼曷爲者長臂之民脩腳自負捕魚海濱本藏

狄山帝堯葬于陽帝嚳葬于陰

聖德廣被物無不懷爰乃殂落封墓表哀異類猶然矧乃華黎本藏

視肉

聚肉有眼而無腸胃與彼馬勃頗相髣髴奇在不盡食人薄味

南方祝融

祝融火神雲駕龍驂氣御朱明正陽是含作配炎帝列位于南

海外西經

滅蒙烏大運山雄常樹

青質赤尾號曰滅蒙大運之山百仞三重雄常之樹應德而通

夏后啟

筮御飛龍果僂九代雲融是揮玉璫是佩對揚帝德稟天靈誨

三身國一臂國

品物流形目散混沌增不爲多滅不爲損厥變難原請尋其本

奇肱國

妙哉工巧奇肱之人因風構思制爲飛輪凌顛遂軌帝湯是賓

彤天

爭神不勝、為帝所戮、遂厥形、天膺口乳日、仍揮于戚、雖化不服、本藏

女祭女戚

彼姝者子、誰氏二女、曷為水閒、操魚持俎、厥儼安在、漚羣逸處、本藏

鴛鳥鷓鳥

有鳥青黃、號曰鷓鴣、與妖會合、所集會至、類則梟鴟、厥狀醜媚、本藏

丈夫國

陰有偏化、陽無產理、丈夫之國、王孟是始、感靈所通、桑后無子、本藏

女丑尸

十日竝熯、女丑曰斃、暴于山阿、揮袖自翳、彼美誰子、逢天之厲、本藏

巫咸

羣有十巫、巫咸所統、經技是搜、術藝是綜、採藥靈山、隨時登降、本藏

并封

龍過無頭、并封連載、物狀相乖、如驥分背、數得自通、尋之愈闕、本藏

女子國

簡狄有吞姜嫄有履女子之國浴于黃水乃娠乃字生男則死

藏本

軒轅國

軒轅之人承天之祐冬不襲衣夏不扇暑猶氣之和家爲彭祖

藏本

龍魚

龍魚一角伯鯉居陵侯時而出神聖攸乘飛鸞九域乘雲上升

藏本

類聚九十六又御覽九百三十九作伯鯉

乘黃

飛黃奇駿乘之難老揣角輕騰忽若龍矯實鑿有德乃集厥早

藏本

西方磬收

磬收金神白毛虎爪珥蛇執鉞專司無道立號西阿恭行天討

藏本

海外北經

無啓國

萬物相傳，非子則根，無腎因心，構肉生魂，所已能然，尊形者存。

燭龍

天缺西土，龍銜火精，氣爲寒暑，眼作昏明，身長千里，可謂至靈。

燭龍九十六

一目國

蒼四不多，此一不少，子野冥瞽，洞見無表，悖遊逆旅，所貴維眇。

柔利國

柔利之人，曲腳反肘，子求之容，方此無醜，所貴者神，形于何有。

共工臣相柳

共工之臣，號曰相柳，稟此奇表，蛇身九首，恃力桀暴，終禽夏后。

深目國

深目類胡，但口絕縮，軒轅道降，款塞歸服，穿胸長腳，同會異族。

無腸國

無腸之人厥體維洞心實靈府餘則外用得一自全理無不共

本藏

聶耳國

聶耳之國海渚是縣雕虎斯使奇物畢見形有相須手不離面

本藏

夸父

神哉夸父難言理尋傾河逐日遞形鄧林觸頰而化應無常心

本藏

尋木

渺渺尋木生于河邊竦枝千里上干雲天垂陰四極下蓋虞淵

本藏

跂踵國

厥形惟大斯腳則企跳步雀踞踵不闕地應德而臻款塞歸義

本藏

歐絲野

女子鮫人體近蠶蚌出珠非甲吐絲匪蛹化出無方物豈有種

本藏

平丘

兩山之閒丘號曰平爰有遺玉駿馬維青視肉甘華奇果所生

本藏

駒駘

駒駘野駘產自北域交頤相摩分背翹陸雖有孫陽終不在服

類聚九十三

北方禺疆

禺疆水神面色黧黑乘龍踐蛇凌雲拊翼蓋一阜冥立于北極

海外東經

君子國

東方氣仁國有君子薰華是食雕虎是使雅好禮讓禮委論理

天吳

眈眈水伯號曰谷神八頭十尾人面虎身龍據兩川威無不震

豎亥

禹命豎亥青丘之北東盡太遠西窮邠國步履宇宙曰明靈德

九尾狐

青丘奇獸九尾之狐有道祥見出則銜書作瑞于周曰標靈符

文

類聚九十五又初學記二十九祥見作翔見于周作周文御覽九百九十

黑齒國兩師妾予股國勞民國

陽谷之山國號黑齒兩師之妾曰蛇挂耳予股食驅勞民黑趾

本

十日

十日竝出草木焦枯羿乃控弦仰落陽烏可爲洞感天人縣符

文

類聚

毛民國

率悲海鳥西子駭麋或貴穴保或尊裳衣物我相傾孰了是非

本

東方句芒

有神人面身鳥素服銜帝之命錫齡蔡穆皇天無親行善有福

本

海內南經

萬鳥

萬鳥怪獸被髮操竹搏人則笑唇蓋其目終亦呼號反爲我戮覽

九百八十
牲牲

牲牲之狀形乍如獸厥性識往爲物警懼曰酒招災自貽纓習

夏后啟臣孟涂

孟涂司巴聽訟是非厥理有曲血乃見衣所請靈斷嗚呼神微本

建木

爰有建木黃實紫柯皮如蛇纓葉有素羅絕陸弱水義人則過本

氏人

炎帝之苗實生氏人死則復蘇厥身爲鱗雲南是託浮遊天津本

巴地

象寶巨獸有蛇吞之越出其骨三年爲期厥大何如屈生是疑本

類聚九
十六

海內西經

貳負臣危

漢擊磐石其中則危劉生是識羣臣莫知可謂博物山海乃奇

窺竅

窺竅無罪見害貳負帝命羣巫操藥夾守遂淪嶺爛變爲龍首

大澤方百里

地號積羽厥方百里羣鳥雲集鼓翅雷起穆王旋軫爰榮駮耳

流黃鄧氏國

城圍三百連河比棟動是塵昏烝氣滂重焉得遊之呂傲曰縱

流沙

天限內外分曰流沙經帶西極頽唐委蛇注于黑水永瀾餘波

木禾

昆侖之陽鴻鷺之阿爰有嘉穀號曰木禾匪植匪莠自然靈播

開明

開明天獸稟茲金精虎身人面表此桀形瞪視崑山威懾百靈藏本

文玉玕琪樹

文玉玕琪方已類叢翠葉猗萎丹柯玲瓏玉光爭煥彩豔火龍藏本

不死樹

萬物暫見人生如寄不死之樹壽蔽天地請藥西姥焉得如羿藏本

類聚人十八

甘水聖木

醴泉睿木養齡盡性增氣之和去神之冥何必生知然後爲聖藏本

類聚人十八

服常琅玕樹

服常琅玕崑山奇樹丹竇珠離綠葉碧布三頭是伺遞望遞顧藏本

海內北經

蛇巫山鬼神蚺犬羣帝臺大蜂朱蛾

蛇巫之山有人操杯鬼神蚺犬主爲妖災大蜂朱蛾羣帝之臺

蘇本

吉良

金精朱蟻龍行駿跂拾節鴻鶩塵下及起是謂吉黃釋聖牖里

蘇本

關非據比尸袂戎

人面獸身是謂關非被髮折頸據比之尸戎其三角袂豎其眉

蘇本

騶虞

怪獸五采尾參千身矯足千里儵忽若神是謂騶虞詩歎其仁

蘇文

類聚九

馮夷

粟華之精食惟人石乘龍隱淪往來海若是實水仙號曰河伯

蘇文

類聚七

王予夜尸

子夜之尸體分成七離不爲疏合不爲密苟曰神御形歸于一本藏

宵明燭光

水有佳人宵明燭光流耀河媚稟此奇祥維舜二女別處一方本藏

列姑射山大蟹陵魚

姑射之山實西神人大蟹千里亦有陵鱗曠哉溟海含怪藏珍本藏

蓬萊山

蓬萊之山玉碧構林金臺雲館隔哉獸禽實維靈府玉主甘心本藏

海內東經

豎沙居繇埤端璽喚國

豎沙居繇埤端璽喚沙漠之鄉絕地之館或羈于秦或賓于漢本藏

郁州

南極之山越處東海不行而至不動而改維神所運物無常在本藏

韓雁始鳩雷澤神琅邪臺

韓雁始鳩在海之州雷澤之神鼓腹優遊琅邪嵯嶢邈若雲樓本

大江北江南江浙江盧淮湘漢濛濛溫潁汝涇渭白沅贛泗鬱肆

潢洛汾沁濟潦虜池漳水

川瀆交錯渙濶流帶通潛潤下經營華外殊出同歸混之東會本

大荒東經

東海外大壑

雁益洞穴映昏龍燭爰有大壑號曰底谷書鈔一百五十八

崦人初學記作焦悅贊

僬僥極麼崦人又小四體取足眉目纒了初學記十九御覽三百七十八

大荒西經

弱水

弱出崑山鴻毛是沈北滄流沙南暎火林惟水之奇莫測其深文

八
類聚

炎火山

木含陽氣精構則燃焚之無盡是生火山理見乎微其妙在傳

類聚

七

大荒北經

若木

若木之生崑山之濱朱華電照碧葉玉津食之靈智爲力爲仁

類聚

八

海內經

都廣之野

都廣之野珍怪所聚爰有羔穀鸞歌鳳舞后稷託終樂哉斯土

類聚

六

封豕

有物貪婪號曰封豕薦食無厭肆其殘毀拜乃飲羽獻帝效技

文

元皇帝哀策文

永惟殿宇之廓寂，悲舞奠之莫歆。感鸞輅之晏駕，哀袞裘之委殄。痛聖躬之遐往，長淪景于太陰。乃作策曰：王之不極，百六作艱。鴉集瓊林，鯨躍神淵。懷愍失據，海覆岳巖。蠢蠢六合，罔不倒懸。靈慶有底，見龍在田。誰其極哉！我后先天，大人承運。重明繼作，撫征淮海。駿命再廓，仁風旁靡。神化潛鑠，處冲思挹。居簡行約，聖敬日邁。玄心逾漠，用物與能。總攬羣略，林無滯才。山無遺錯，恩靡不懷。化靡不被，茫茫海域。款寒慕義，萬里同塵。罔匪王隸，熙熙遺黎。莫知其寄，括終宇宙。混同天地，曰功永年。曰德慶隆，奈何氛膺。奄集聖躬，大業未恢。皇齡未中，天惜其景。崑頽其崇，熒熒小子。藐藐孤冲，靡天何戴。靡地何憑。恍惚極慕，若存若終。蔑焉無聞，廓焉長寂。聆音靡睇，瞻顏失覩。窮號曷訴，叩心誰告。何悲之哀，何痛之酷。嗚呼！

我皇逢天之戚，嗚呼哀哉。眇然升遐，卽安玄室。煌煌火龍，赫赫朱
輦。終焉永潛，曷其有出。明訓長絕，小子何述。望皇增歆，臨崩慟慟。
哀兼陟方，痛過過密。雲爽安之，反眞復質。永合元淡，終始得一。文
類聚
十三

賜進士出身 一品銜廣東等處提刑按察使司按察使兼管驛傳事務黃岡王毓藻校刊

全晉文卷一百二十三終

全晉文卷一百二十三

郭璞

十四

全晉文卷一百二十四

烏程嚴可均校輯

孔衍

衍字舒元，魯國人。孔子二十二世孫。愍帝末，避亂江東。元帝引爲安東參軍，中興初，補中書郎，領太子中庶子。呂忤王敦，出爲廣陵相。有公羊集解十四卷，漢魏春秋九卷。

四府君遷主議

別廟有非正之嫌，侶若降替，不可行也。通典四十八

禁招魂葬議

時有沒在寇賊，死亡屍喪，皆招魂而葬。吾曰：爲出于鄙陋之心，委巷之禮，非聖人之制，而爲愚淺所安，遂行于時。王者所宜禁也。何則？聖人制殯葬之意，本曰藏形而已，不曰安魂爲事。故旣葬之日，迎神而返，不忍一日離也。況乃招其魂而葬之，反于人情而失其

禮虛造師事，曰亂聖典，宜可禁也。通典一百三十一

荅李瑋難禁招魂葬議

祭必立壇，不可謂神必墓中也。若神必墓中，則成周雒邑之廟皆虛設也。又帝丘及詩來格率歸，皆所曰明魂，無不從耳。既葬三日祭墓，亦猶飯含，不忍其虛耳。其姬之焚，曰明窮而嬭正，不必灰燼也。就復灰燼，骨肉雖灰，灰則其實，何緣舍埋灰之實而反當葬魂乎。此皆未代失禮之舉，非合聖人之舊也。通典一百三十一

在窮記

賊來入門時，家見在絹布三千餘匹，及衣被器物，皆令婢使輦出。著庭中，恣其所取。由是皆競取財物，不暇復見殺。蘇文類聚卷八十五

遣信與義陽太守孫仲閭相問，告其困乏，得絹二匹，壞車一乘，賣得絹三匹，呂濯米一石，椽二斛，食口三十五人。百日之中，曰此自活，人皆餒餒，無復血色。謝覽四百五十六

趙大龍曰萬二十枚奉上老母

御覽九百二十四

遭亂之後陽陽令述祖送四幅絳被一領

皆以一百二十四

乖離論

聖人制禮曰爲經常人之教宜備有其文曰別彰其義卽今代父子乖離不知自處之宜情至者哀過于有凶情薄者禮習于無別此人倫大事禮所宜明謂莫測存亡則名不定名不定不可爲制孝子憂危在心念至則然矣自然之情必有降殺故五服之章曰周月爲節況不聞因何得過之雖終身不知存亡無緣更重于三年之喪也故聖人不別爲其制也

通典九十八

閻丘沖

沖懷帝初爲光祿勳有集二卷

武悼楊皇后服議

楊后母養聖上蓋曰曲情今曰恩禮追崇不配世祖廟王者無慈

養之服謂宜祖載之日可三朝素服發哀而已

晉書禮志中

劉陶

陶懷帝時揚州刺史

見劉陶傳

告廬江郡教

晉魏文侯軾干木之間齊相曹參尊崇蓋公皆所曰優賢表德敦勵末俗徽士杜君德懋行絜高尚其志頃流離道路聞其頓顛刺史忝任不能崇飾有道而使高操之士有此難屯今遣吏宣慰郡可遣一吏縣五吏恆營卹之常曰市租供給家人權廩勿令闕乏

劉坦

坦懷帝時爲尚書左丞

上言宜聽劉實致仕

夫堂高級遠主尊相貴是曰古之哲王莫不師其元臣崇養老之教訓示四海使少長有禮七十致仕亦所曰優異舊德厲廉高之

風太尉實體清素之操執不渝之潔懸車告老二十餘年浩然之志老而彌篤可謂國之碩老邦之宗模臣聞老者不曰筋力爲禮實年踰九十命在日制遂自扶輿冒險而至展哀山陵致敬闕庭大臣之節備矣聖詔殷勤必使實正位上台光任鼎寶斷章敦喻經涉二年而實頻上露板辭旨懇誠臣曰爲古之養老曰不事爲優不曰吏之爲重請宜聽實所守

晉書劉實傳

毛孟

孟永嘉中爲靈州治中

固陳靈州事

君亡親喪幽閉窮城萬里訴哀不垂愍救旣愍包胥無哭秦之感

又媿梁妻無崩城之驗存不若亡乞賜臣死

晉書王遜傳李拔旣卒城冲百餘人奉殺

女何守經年永嘉四年治中毛孟詣京師求刺

史不見省孟因陳云云召王遜爲靈州刺史

習嘏

蝦字彥文襄陽人永嘉中山簡辟為征南功曹轉記室參軍

見書

抄六十八

長鳴雞賦

嘉鳴雞之令美智窮神而入冥審璇璣之迴遠定昏明之至精應青陽于將曙忽鶴立而鳳停乃拊翼曰贊時遂延頸而長鳴若乃本其形像詳其羽儀朱冠玉璫彤素竝施紛葩赫奕彩色流離殊姿豔溢采曜華披雍容鬱茂飄飄風靡扇六翮已增暉舒毛毳而下垂違雙距之岌哉曳長尾之逶迤

藝文類聚九十初學記三十

范堅

堅字子常南陽順陽人永嘉中避亂江東拜著作佐郎後為撫軍參軍賜爵都亭侯成帝時累遷尚書右丞護軍長史

蠟燈賦

爾乃旋閣房升玉榻列華燦鑠凝蠟浮炷頰其始燃祕闔于是乃

闔旁映文楹，仰暉丹楨，赫如燭龍吐輝，爛若鷲陽復旭。

漢文類聚八十一

安石櫛賦

紫紅根曰磐峙，擢修幹而扶疏，莢應春曰吐綠葩，涉夏而揚朱

類聚八

十六

膏凝玉潤，光猶瑩削，頰如丹砂，粲若銀礫。

初學記二十八

縞隔區分，彫實綺錯，紅膚帖素，採曰紫的。

初學記二十八

紅鬚內豔，頰牙外標，侶華燈之映翠幕，若丹瓊之列碧瑤。

御覽九百七十九

駁議減邵廣死罪

自道撲澆散刑，辟仍作刑之所曰止刑，殺之所曰止殺。雖時有赦過宥罪，議獄緩死，未有行小不忍而輕易典刑者也。且既許宗等宥廣死罪，若復有宗比而不求贖，父命者豈得不擯絕人倫，同之禽獸邪？案主者今奏云：惟特聽宗等而不爲永制，臣已爲王者之作，動關盛衰，頓笑之閒，尚慎所加，況于國典，可曰徒虧今之所曰

宥廣正己宗等耳人之愛父誰不如宗今既居然許宗之請將來
訴者何獨匪民特聽之意未見其益不已爲例交與怨讎此爲施
一恩于今而開萬怨于後也

首書范堅傳通典二百六十六尚書右丞范堅駁

范汪

汪字玄平堅從子蘇峻之亂參護軍庾亮軍事賊平賜爵都鄉
侯隨府遷平西參軍從討郭默進爵亭侯辟司空郗鑒掾除宛
陵令復參亮征西軍事轉州別駕遷鷹揚將軍安遠護軍武陵
內史徵拜中書侍郎遷吏部尚書尋爲驃騎何充長史又爲桓
溫安西長史蜀平進爵武興縣侯遷除東陽太守入爲中領軍
本州大中正簡文輔政除安北將軍都督徐兗青冀四州揚州
之晉陵諸軍事徐兗二州刺史坐事免卒贈散騎常侍謚曰穆
有集十卷

在東陽郡表瑞

所統長山諸縣林中木葉上朝有凝露其味如蜜夕乃溜地耆老

咸謂甘露

蘇文類聚九十八

請嚴詔諭庾翼還鎮疏

臣伏思安西將軍翼今至襄陽倉卒攻討凡百草創安陸之調不復爲襄陽之用而玄冬之月河漢乾涸皆當魚貫而行排推而進設一處有急勢不相救臣所至慮一也又既至之後桓宣當出宣往實翦豺狼之林招攜貳之眾待之曰至寬御之曰無法田疇墾闢生產始立而當移之必有嗷然悔吝難測臣所至慮二也襄陽頓益數萬口奉師之費皆當出于江南運漕之難船人之力不可不熟計臣之所至慮三也且申伯之尊而與邊將並驅又東軍不進殊爲孤懸兵書云知彼知此百戰不殆知彼不知此一勝一負賊誠衰弊然得臣猶在我雖方隆今實未暇而連兵不解思難將起臣所至慮四也翼豈不知兵家所患常在于此顧曰門戶事任

愛賁莫大晏然終年非心情所安是曰抗表輒行畢命原野曰翼
宏規經略文武用命忽遇變會大事便濟然國家之慮常曰萬全
非至安至審王者不舉臣謂宜嚴詔諭翼還鎮養銳曰爲後圖若
少合聖聽乞密出臣表與車騎臣冰等詳共集議晉書范
注傳
爲舊君服議

當今刺史郡守幕府事任皆重與古諸侯不異也案漢魏名臣爲
州郡吏者雖違適不同多爲舊君齊衰三月通典九十卷注議
一本作范經議

與王彪之書

尋起居注九月是康皇帝忌月禮止云忌日不樂都無忌月語不
審是疑不若當疑于九月建八月其間當下六禮便爲至逼不復
展如此當伸至十月忌不應曰爲忌邪足下可曰示曹諸賢取定
也通典
一百

與江惇書

孝子重覩靈櫬，哀慟口誦，何已！總服臨至親之喪，三月而除，此乃儀禮數字了無首尾，令人有疑。孫放改葬其祖，放開壙服斬衰一門反服，從行者待柩至，已衰經迎于郊，二月事畢，放父四月晦除。放兄弟二月晦除，此皆反服。

通典一百二十一

荅高崧問

高崧問范汪曰：案小功之末，可已冠子，已雖小功，卒哭可已冠，而鄭孫二家注並云：已大功，卒哭可已冠，求之于禮，無可冠之文。范汪荅曰：大功之末，可已冠子，此于子已爲無服，又云父小功，可已冠子，疑與上章俱有末語，特于下言已，雖小功，卒哭可已冠，是爲小功，卒哭，皆得行冠娶之事也。大夫三月而葬，葬而後虞，虞而後卒哭，是爲父，雖小功，子服盡也。大功許冠婚，則小功便無所不可也。高崧重問范汪曰：下殤，小功則不可，而云小功之末，可已冠婚，何？范汪荅曰：下殤，小功，此是周服之下，殤不可已服，輕而恩疏也。

而冠亦禮之明文何曰復于大功小功喪中每言冠乎答曰在喪冠而已不行冠禮也于大功小功之末故可行冠禮因喪而冠與備行冠禮殊也或問者曰禮大功之末可曰冠子嫁子可曰娶婦已雖小功既卒哭可曰取妻案經大功之末雖云可曰冠子嫁子不言已可曰冠而鄭氏注云已大功卒哭而可曰冠未解經又云大功之末而注云卒哭不知此言未便是卒哭爲非卒哭邪答曰記云大功之末可曰冠子嫁子而注又云已大功卒哭而可曰冠小功卒哭而可曰冠娶妻者冠而後娶今既云冠嫁其子則于文不得復自著已冠故注家合而明之曰小功得娶妻則大功亦可曰得冠冠輕婚重故大功之末得自冠小功之末得自娶曰記文不備故注兼明之注之有此比禮三月既葬卒哭于小功則餘有二月是末也于大功則止三分之一便謂之末意常曰疑之然鄭氏注喪服經云葬喪之大事既畢故謂之末邪重問曰省及申釋

注意甚爲允也。然僭僕有所未了。禮小功卒哭可曰娶者。婚禮娶婦之家三日不舉樂。明婚雖屬吉。而有嗣親之感。小功餘喪不重祖考之思。故可曰娶也。大功可冠。猶有疑焉。夫吉禮將事必先筮賓。然後成禮。大功之末可曰冠。嫁其子者。曰己大功之末。于子則小功服已過半。情降既殊。日算浸遠。故子可曰行吉事。至于己身親有功布重制。月數尙近。而便釋親而字之。死則曰成人之喪。埋之。雖記女雖未許嫁。年二十而笄禮之。婦人執其禮。燕則髻首。通典

五十

六

荅高崧訪

御史中丞高崧有從弟喪在服末。欲爲子婚。書訪尙書范汪曰。禮有大功之末。可曰嫁子。小功之末。可曰娶婦。下章云。己雖小功。既卒哭。可曰娶妻。己有小功喪。則父便應有大功喪。曰義例推之。小功卒哭。可曰娶妻。則大功卒哭。可曰娶婦邪。范荅曰。案禮大功之

末可曰冠子嫁子。此于子爲無服也。曰已尙在大功喪中。猶未忍爲子娶婦。近于歡事也。故于冠子嫁子則可。娶婦則不可矣。已有總麻之喪。于祭亦廢。婚亦不通矣。況小功乎。崧又曰。禮已雖小功。既卒哭。可曰娶妻。已有小功。則父有大功。已既小功卒哭。可娶妻。則父大功卒哭。可曰娶婦。將不嫌邪。汪曰。五服之制。各有月數。月數之內。自無吉事。故曰緘麻非所。已接弁冕也。春秋左氏傳。齊侯使晏子請繼室于晉。叔向對曰。寡君之願也。緘經之中。是曰未敢。請禮貴妾。總而叔向稱在緘經之中。推此而言。雖經喪之麻。猶無婚姻之道也。而敦本敬始之義。每于冠婚見之矣。雜記曰。大功之末。可曰嫁子。小功之末。可曰娶婦。而下章云。已雖小功卒哭。可冠娶妻也。二文誠爲相代。尋此旨。爲男女失時。或繼嗣未立者耳。非通例也。禮男三十而娶。女二十而嫁。于仲春會男女。便云于此時也。奔者不禁。此亦是權禮。非經常之典也。

祭典

廢小宗昭穆不亂廢大宗昭穆亂矣先王所曰重大宗也豈得不廢小宗曰繼大宗乎漢家求三代之後弗得此不立大宗之過也豈不曰宗子廢絕圖籍莫紀若常有宗主雖喪亂要有存理或可分布掌錄或可藏之于名山設不盡存決不盡失且同姓百代不婚周道也而姓自變易何由得知夫既不知或容有得婚者此大違先王之典而傷自然之理由此言之宗子之重于天下久矣

六十

大宗者人之本也尊之統也人不可曰無其本所曰立大宗也上繼祖禰尊尊之道著矣下理子孫親親之義明矣苟理昆弟天倫之理達矣存則合族曰食序曰昭穆導曰德行別曰禮義沒則禘祭太祖陳其親疏殤與無服莫不咸在此則孝子之事終矣立人之道竭矣小宗之家五代則遷安知始祖之所從出宗祀之所由

來敬宗所曰尊祖。不爲重乎。然要當曰穆繼昭。旣明大宗。不可

曰絕。則支子當有繼祖。是無父者也。通典九十六

某品

嘗字道真。仕至郡功曹。

世說政事篇注。案。寒。虞存弟。

賜進士出身。二品銜。廣東等處提刑按察使。司按察使兼管驛傳事務。黃岡王毓藻校刊。

全晉文卷一百二十四終

全晉文卷一百二十五

烏程嚴可均校輯

范甯

甯字武子，汪次子。己汪忤桓溫，不得徵辟。孝武初，溫卒，始爲餘杭令。遷臨淮太守，封陽遂鄉侯。徵拜中書侍郎，出爲豫章太守。免。有穀梁集解十二卷，禮雜問十卷，集十六卷。

爲豫章郡表

新淦令孟佃，民解列縣廳事前，二丈陸地生蓮華，入冬死。十六年更生四枝，今年三月復生，故處繁殖轉多。華有二十五枝，鮮明可愛，有異常蓮。藝文類聚八十二
御覽九百九十九

永修公園相萬，主解列到縣，巡行邑治。縣西北出二里有林中兩桐樹，下根相去一丈，上枝相去丈八，連合成一。藝文類聚
九十八爲豫章臨發上疏

臣聞道尚虛簡，政貴平靜。坦公亮于幽顯，流子愛于百姓。然後可
曰輕夷嶮而不憂，乘休否而常夷。先王所已，致太平如此而已。今
四境晏如，烽燧不舉，而倉庾虛耗，帑藏空匱。古者使人歲不過三
日，今之勞擾殆無三日休停。至有殘刑翦髮，要求復除，生兒不復
舉養，鰥寡不敢妻娶，豈不怨結人鬼，感傷和氣。臣恐社稷之憂，積
薪不足，已爲喻。臣久欲粗啟所懷，日復一日，今當永離左右，不
欲令心有餘恨，請出臣啟事，付外詳擇。晉書范甯傳

陳時政疏

古者分土割境，已益百姓之心。聖主作制，籍無黃白之別。昔中原
喪亂，流寓江左，庶有旋反之期，故許其挾注本郡，自爾漸久，人安
其業，丘壟墳柏，皆已成行。雖無本邦之名，而有安土之實。今宜正
其封疆，已土斷人戶，明考課之科，修閭伍之法。難者必曰：人各有
桑梓，俗自有南北。一朝屬戶，長爲人隸。君子則有土風之慨，小人

則懷下役之慮斯誠并兼者之所執而非通理者之篤論也古者失地之君猶臣所寓之主列國之臣亦有違適之禮隨會仕秦致稱春秋樂毅宦燕見褒良史且今普天之人原其氏出皆隨世遷移何至于今而獨不可凡荒郡之人星居東西遠者千餘近者數百而舉召役調皆相資須期會差違輒致嚴坐人不堪命叛爲盜賊是曰山湖日積刑獄愈滋今荒小郡縣皆宜并合不滿五千戶不得爲郡不滿千戶不得爲縣守宰之任宜得清平之人頃者選舉惟曰卹貧爲先雖制有六年而富足便退又郡守長吏牽置無常或兼臺職或帶府官夫府已統州州已監郡郡已莅縣如今互相領帖則是下官反爲上司賦調役使無復節限且牽曳百姓營起解舍東西流遷人人易處文書簿籍少有存者先之室宇皆爲私家後來新官復應脩立其爲弊也胡可勝言又方鎮去官皆割精兵器仗曰爲送故米布之屬不可稱計監司相容初無彈糾其

中或有清白亦復不見甄異送兵多者至于千餘家少者數十戶既力入私門復資官廩布兵役既竭枉服良人牽引無端已相充補若是功勳之臣則已享裂土之祚豈應封外復置吏兵乎謂送故之格宜爲節制已三年爲斷夫人性無涯奢儉由勢今并兼之士亦多不贍非力不足已厚身非祿不足已富家是得之有由而用之無節蒲酒永日馳騫卒年一宴之饌費過千金麗服之美不可貲算盛狗馬之飾營鄭衛之音南畝廢而不墾講誦闕而無聞凡庸競馳傲誕成俗謂宜驗其鄉黨攷其業尙試其能否然後升進如此匪惟家給人足賢人豈不繼踵而至哉官制適兵不相襲代頃者小事便已補役一愆之違辱及累世親戚傍支罹其禍毒戶口減耗亦由于此皆宜料遣已全國信禮十九爲長殤已其未成人也十五爲中殤已爲尙童幼也今已十六爲全丁則備成人之役矣已十三爲半丁所任非復童幼之事矣豈可傷天理違經

典困苦萬姓，乃至此乎。今宜修禮文，自二十為全丁，十六至十九為半丁，則人無夭折，生長滋繁矣。

晉書范甯傳通典三

奏烝祠

案禮喪服傳有死宮中者三月不舉祭，不別長幼之與貴賤也。皇女雖曰嬰孩，臣竊目為疑。

晉書禮志上通典五十二太元十一年九月皇女亡及應烝祠，竊奏于是使三

入行

祭殤議

祭法王祭嫡殤，下及五代。愍懷太子殤，太孫哀，太孫沖，太孫自是

先帝嫡殤，歷代彌久而廟祀之禮于今未廢，謂非禮典之意，宜從

埋主之例。

通典五十二

為舊君服議

弔服加麻，輕末之服。臣為君服斬衰，舊君齊衰三月。此古今所已得異甯，謂臣有貴賤，禮有隆殺。州郡綱紀，察舉辟命之吏，聞舊君

喪應卽奔赴在官之人亦宜棄職而去雖不皆與禮合稱情立文也或曰州郡守牧喪官吏爲之齊衰故服舊君緦麻所曰爲輕重之殺也臣爲君服斬三代之達禮秦罷侯置守雖不繼位皆有吏臣豈不得準古諸侯也通典九十九

啟國子生假故事

國學開建彌歷年載講誦之音靡聞攷課之績不甚良由達道之訓未弘鑽仰之心弗至陵替文源宜見整正謂應斷假精加督勵嚴其師訓舉善黜違御覽六百三十四

啟斷眾公受假故事

伏見內外眾官陳假紛紜煩黷無已舊有急假一月五急一年之中六十日爲限不問虛實相率如此誣罔視聽煩穢官曹舉世行之不曰爲非急假之制唯曰父母妻子爲辭而伯叔兄弟制所不及長偷薄之風虧敦睦之化臣謂宜去病解之故制一年令賜表

一本作喪案表裘皆有誤

假日隨其所欲之適任其取日多少假寧疑作令日定

諸內外官五月給田假九月給受衣假爲兩番各十五日田假若

風土異宜種收不等通隨給之又曰諸百官九品私家附廟除程

給假五日四時祭祀各給假四日

本注並課主祭者

去任所三百里內亦

給程

本注若在京都除祭者仍各依朝參制

又曰諸文武官若流外已上者父母在

三年給定假三十日其拜墓五年一假

一本作七日

並除程若已經

還家者計還後給其五品已上所司審勘當于事毋闕者奏不得

輒自奏請親冠假三日五服內親冠給假一日並不給程又曰諸

婚給假九日除程周親婚嫁五日大功五

一本作三日

小功已下一日

並不給程已下無主者百里內除程若本服周親已上疾病危篤

遠行久別及諸急難並量給假

同上又略見北堂書鈔三十二

廚籍教

籍官之大信而比散在眾曹此不可也可合作十五廚籍一縣一

廡御覽七百十七

文書教

土紙不可曰作文書皆合用藤角紙初學記二十一

荅徐邈書

禮郊牲必在滌三月公羊傳養二卜二卜者謂本卜養二牲也帝牲不吉則卜稷牲稷牲不吉則不郊蓋所曰敬天神而後人鬼也無本郊不滌牲之禮牲唯具用非吾所聞也凡告用制幣先儒有

明義也通典五十五

子不得曰爵命母妃是太子婦號必也正名寧可曰稱母也通典七十一

二

案公羊傳母曰子貴當曰此義爲禮禮有君之母非夫人者曰此推之王者之母亦何必皆后乎所爲尊母非使極尊號也竝后匹嫡譏存春秋謂宜稱皇太夫人下皇后一等位比三公此君母之

極號也。稱夫人則先后之臣也。加皇太則至尊之母也。皇君之謂也。君太夫人豈不允乎。通典七十二

與謝安書

稱無子而養人子者，自謂同族之親，豈施于異姓。今世行之甚眾，是爲逆人倫，昭穆之序，違經典紹繼之義也。通典六十九

難戴遠論馬鄭二義書

傳云：不滿八歲爲無服，則八歲以上，不當引此也。尋制名之本意，父之于子，下殤小功，猶有總麻一階，非爲五服已盡而不曰總麻

服之者，曰未及人次耳。通典九十一 范甯與戴遠書問 馬鄭二義遠答云云甯又難遠

答王珣書論慧遠慧持執愈

誠爲賢兄賢弟也。高僧傳

答王朔之問天子爲后父母服

王朔之問范甯云：至尊爲后之父母服，不意謂雖居尊位，亦當不

曰己尊而便降也甯荅曰王者之于天下與諸侯之于一國義無

巨異今謂粗可依準

通典八十七

荅謙王恬問王子為慈母服

謙王司馬恬問范甯曰妾有二子而出嫁君命他妾兼子為其母所命妾今亡子當有服不荅曰昔男子外有傅內慈母君命教子何服之有

通典八十一

荅曹述初問為前妻父母服

曹述初問范甯曰有人再娶後妻無父母而前妻父母亡當有服不甯荅曰禮小記云從服者所從亡則己今妻既卒則無所從不應服也

通典九十五

又荅曹述初難

述初又難曰妻為夫黨既為屬從至于夫卒服之無版妻之父母而妻卒則己統例準情不見其義若曰妻之父母不得準夫之殉

親實所疑也。小記所稱自謂臣爲君黨，妾子爲君母黨，服耳。蓋又
荅曰：世間行事鮮有同者，此亦無準據，殆是率心而行也。通典九十五

荅鄭澄問已拜時而夫死服

鄭澄問：弟女當適武留，繇兒留去年自將兒來拜時，其兒今卒，不
知弟女當奔弔否？若弔，著何服？范甯荅曰：禮曾子問娶女有吉日
而女死，如之何？孔子曰：壻齊衰而往弔，既葬而除之。夫死亦如之。
謂斬衰也。謂既親拜舅，寧當重于吉日耳。通典九十九

鄭又問：若拜舅爲重于吉日，應服斬，誠如來告。若拜傍親，復云何？
昔荀啟拜時而卒，庾家女不往弔，不被譏，何也？再荅曰：三代殊制，
禮有因革，意爲娶女有吉日，理輕于拜舅，復重于拜餘人。荀氏海
內名族，庾則異行之門，想其不奔弔，必有所據。同上

荅殷仲堪問改葬復虞

殷仲堪問：范甯曰：荀訥議太后改葬，既據言不虞，朝廷所用，賀要

記云三月便止何也甯荅曰賀無此文或好事者爲之邪不見馬
鄭賀范說改葬有虞神已在廟虞何爲哉

通典一百二十

荅王蒼問喪服變除

王蒼問范甯曰人有父在遭母喪十七月乃得葬便當頓除更復
練祥邪荅曰三年而後葬者必再祭練祥之祭也主喪不除未葬
不變也十七月既祥卽除服不禫可知也

通典一百三十

春秋穀梁傳集解序

晉周道衰陵乾綱絕紐禮壞樂崩彝倫攸斁弑逆篡盜者國有淫
縱破義者比肩是已妖災因釁而作民俗染化而遷陰陽爲之愆
度七曜爲之盈縮川岳爲之崩竭鬼神爲之疵厲故父子之恩缺
則小弁之刺作君臣之禮廢則桑扈之諷興夫婦之道絕則谷風
之篇奏骨肉之親離則角弓之怨彰君子之路塞則白駒之詩賦
天垂象見吉凶聖作訓紀成敗欲人君戒慎厥行增修德政蓋誨

爾諄諄聽我藐藐履霜堅冰所由者漸四夷交侵華戎同貫幽王
曰暴虐見禍平王曰微弱東遷征伐不由天子之命號令出自權
臣之門故兩觀表而臣禮亡朱干設而君權喪下陵上替僭逼理
極天下蕩蕩王道盡矣孔子觀滄海之橫流迺喟然而歎曰文王
既沒文不在茲乎言文王之道喪興之者在己于是就大師而正
雅頌因魯史而脩春秋列黍離于國風齊王德于邦君所曰明其
不能復雅政化不足曰被羣后也于時則接乎隱公故因茲曰託
始該二儀之化育贊人道之幽變舉得失曰彰黜陟明成敗曰著
勸誡拯糞綱曰繼三五鼓芳風曰扇遊塵一字之褒寵踰華袞之
贈片言之貶辱過市朝之撻德之所助雖賤必申義之所抑雖貴
必屈故附勢匿非者無所逃其罪潛德獨運者無所隱其名信不
易之宏軌百王之通典也先王之道既弘麟感化而來應因事備
而終篇故絕筆于斯年成天下之事業定天下之邪正莫善于春

秋春秋之傳有三、而爲經之旨一、臧否不同、褒貶殊致、蓋九流分而微言隱異、端作而大義乖、左氏曰、鬻拳兵諫爲愛君、文公納幣爲用禮、穀梁曰、衛軫拒父爲尊祖、不納子糾爲內惡、公羊曰、祭仲廢君爲行權、妾母稱夫人爲合正、曰兵諫爲愛君、是人主可得而脅也、曰納幣爲用禮、是居喪可得而婚也、曰拒父爲尊祖、是爲子可得而叛也、曰不納子糾爲內惡、是仇讎可得而容也、曰廢君爲行權、是神器可得而闕也、曰妾母爲夫人、是嫡庶可得而齊也、若此之類、傷教害義、不可強通者也、凡傳曰通經爲主、經曰必當爲理、夫至當無二、而三傳殊說、庸得不棄其所滯、擇善而從乎、既不俱當、則固容俱失、若至言幽絕、擇善靡從、庸得不並舍、曰求宗據、理曰通經乎、雖我之所是、理未全當、安可曰得當之難、而自絕于希通哉、而漢興、曰來環望、碩儒各信所習、是非紛錯、準裁靡定、故有父子異同之論、石梁分爭之說、廢興由于好惡、盛衰繼之辯訥、

斯蓋非通方之至理。誠君子之所歎息也。左氏豔而富其失也。巫穀梁清而婉其失也。短公羊辯而裁其失也。俗若能富而不巫。清而不短。裁而不俗。則深于其道者也。故君子之于春秋。沒身而已矣。升平之末。歲次大梁。先君北蕃。迴軫頓駕于吳。乃帥門生故吏。我兄弟子姪。研講六籍。次及三傳。左氏則有服杜之注。公羊則有何嚴之訓。釋穀梁傳者。雖近十家。皆膚淺末學。不經師匠。辭理典據。既無可觀。又引左氏公羊。自解此傳。文義違反斯害也已。于是乃商略名例。敷陳疑滯。博示諸儒。同異之說。昊天不弔。太山其積。匍匐墓次。死亡無日。日月逾邁。跋及視息。乃與二三學士。及諸子弟。各記所識。并言其意。業未及終。嚴霜夏墜。從弟彫落。二子泯沒。天實喪予。何痛如之。今撰諸子之言。各記其姓名。名曰春秋穀梁

傳集解。

唐石經
拓本

王暉何晏論

時曰虛浮相扇，儒雅日替，甯曰爲其源，始于王弼，何晏二人之罪，深于桀紂，乃著論曰：

或曰：黃唐緬逸，至道淪駁，濼濮輟詠，風流靡託，爭奪兆于仁義，是非成于儒墨，平叔神懷，超絕輔嗣，妙思通微，振千載之頽綱，落周孔之塵網，斯蓋軒冕之龍門，豪梁之宗匠，嘗聞夫子之論，曰爲罪過桀紂何哉？荅曰：子信有聖人之言乎？夫聖人者，德侔二儀，道冠三才，雖帝皇殊號，質文異制，而統天成務，曠代齊趣，王何蔑棄典文，不遵禮度，游辭浮說，披蕩後生，飾華言曰翳實，騁繁文曰惑世，搢紳之徒，翻然改轍，洙泗之風，緬焉將墜，遂令仁義幽淪，儒雅蒙塵，禮壞樂崩，中原傾覆，古之所謂言僞而辯行，僻而堅者，其斯人之徒歟？昔夫子斬少正于魯，太公戮華士于齊，豈非曠世而同誅乎？桀紂暴虐，正足曰滅身覆國，爲後世鑒戒耳，豈能迴百姓之視聽哉？王何叨海內之浮譽，資膏梁之倣誕，畫螭魅曰爲巧，扇無檢

曰爲俗鄭聲之亂樂利口之覆邦信矣哉吾固曰爲一世之禍輕
歷代之罪重自喪之釁少迷眾之愆大也

晉書范滂傳

禮雜問

父母生之續莫大焉三千之罪無後爲重夫立大宗所曰銓序昭
穆彌綸百代繫之曰姓而弗別綴之曰食而弗殊禮盡于此義誠
重矣方之祖考于斯爲薄若令捨重適輕爲親就疏則是生不敬
養沒不敬享生人之本不盡孝子之事靡終非所曰通人子之情
爲經代之典夫嫡子存則奉養有主嫡子亡則烝嘗靡寄是曰支
子有出後之義而無廢嫡之文故嫡子不得後大宗但云曰支子
繼大宗則義已暢矣不應復云嫡子不得繼大宗此乃小宗不可
絕之明文也若無大宗唯不得收族耳小宗之家各統昭穆何必

亂乎

通典九十六

范弘之

弘之字長文甯兄康之子襲祖汪爵武興侯爲太學博士出爲
餘杭令有集六卷

衛將軍謝石諡議

石階藉門蔭屢登崇顯總司百揆翼贊三臺閑練庶事勤勞匪懈
內外僉議皆曰與能當淮肥之捷勳拯危墜雖皇威遐震狡寇天
亡因時立功石亦與焉又開建學校已延胄子雖盛化未洽亦愛
禮存羊然古之賢輔大則曰道事君侃侃終日次則厲身奉國夙
夜無怠下則愛人惜力已濟時務此數者然後可已免惟塵之譏
塞素餐之責矣今石位居朝端任則論道喟言無忠國之謀守職
則容身而已不可謂事君貨贖京邑取斂無厭不可謂厲身坐擁
大眾侵食百姓大東流于遠近怨毒結于眾心不可謂愛人工徒
勞于土木思慮殫于機巧紈綺盡于婢妾財用糜于絲桐不可謂
惜力此人臣之大害有國之所去也先王所已正風俗理人倫者

莫尚乎節儉。故夷吾受謗乎三歸。平仲流美于約己。自頃風軌陵遲。奢僭無度。廉恥不興。利競交馳。不可不深防。原本已絕其流。漢文襲弋緜之服。諸侯猶侈。武帝焚雉頭之裘。靡麗不息。良由儉德雖彰。而威禁不肅。道自我建。而刑不及物。若存罰其違。亡貶其惡。則四維必張。禮義行矣。案諡法。因事有功曰襄。貪已敗官曰墨。宜

諡曰襄墨公。

晉書儒林
范弘之傳

與會稽王道子牋

下官輕微寒土。謬得廁在俎豆。實懼辱累清流。惟塵聖世。竊已人君居廟堂之上。智周四海之外者。非徒聰明內照。亦賴羣言之助也。是已舜之佐堯。已啟闢爲首。咎繇謩禹。已侃侃爲先。故下無隱情之責。上收神明之功。敢緣斯義。志在輸盡。常已謝石蹟累。應被清澄。殷浩忠貞。宜蒙褒顯。是已不量輕弱。先眾言之。而惡直醜正。其徒實繁。雖仰恃聖主欽明之度。俯賴明公愛物之隆。而交至之

愚實有無賴下官與后本無怨忌生不相識事無相干正召國體
宜明不應稍計疆弱與浩年時邈絕世不相及無復藉聞故老語
其遺事耳于下官之身有何痛癢而當爲之犯時干主邪每觀載
籍志士仁人有發中心任直道而行者有懷知陽愚負情曲從者
所用雖異而竝傳後世故比于處三仁之中箕子爲名賢之首後
人用捨參差不同各信所見率應而至或榮名顯赫或禍敗係踵
此皆不量時趣已身嘗禍雖有蹉蹉之稱而非大雅之致此亦下
官所不爲也世人乃云下官正直能犯艱難斯談實過下官知主
上聖明明公虛已思求格言必不使盡忠之臣屈于邪枉之門也
是已敢獻愚誠布之執事豈與昔人擬其輕重邪亦已臣之事君
惟思盡忠而已不應復計利鈍事不允心則讜言悟主義感于情
則陳辭靡悔若懷情藏意蘊而不言此乃古人所已得罪于明君
明君所已致法于羣下者也臣桓溫事跡布在天朝逆順之情暴

之四海在三者臣子情豈或異凡厥黔首誰獨無心舉朝嘿嘿未有唱言者是曰頓筆案氣不敢多云桓溫于亡祖雖其意難測求之干事止免黜耳非有至怨也亡父昔爲溫吏推之情禮義兼他人所曰每懷憤發痛若身首者明公有曰尋之王珣曰下官議殷浩諡不宜暴揚桓溫之惡珣感其提拔之恩懷其入幙之遇託曰廢黜昏闇建立聖明自謂此事足曰明其忠貞之節明公試復曰一事觀之昔周公居攝道致升平禮樂刑政皆自己出曰德言之周公大聖曰年言之成王幼弱猶復遽避君位復子明辟漢之霍光大勳赫然孝宣年未二十亦反萬機故能君臣俱隆道邁千歲若溫忠爲社稷誠存本朝便當仰遵二公式是令矩何不奉還萬機退守藩屏方提勒公王匡總朝廷豈爲先帝幼弱未可親政邪將謂桓溫不能聽政邪又逼脅袁宏使作九錫備物光赫其文具存朝廷畏怖莫不景從惟謝安王坦之曰死守之故得稽留耳會

上天降怒，姦惡自亡，社稷危而復安，靈命墜而復構。晉自中興，已來號令威權，多出疆臣。中宗肅祖，斂衽于王，敦先皇受屈于桓氏。今主上親覽萬機，明公光讚百揆，政出王室，人無異望。復不于今大明國典，作制百代，不審復欲待誰？先王統物，必明其典，誥貽厥孫謀，故令問休嘉，千歲承風。願明公遠覽殷周，近察漢魏，慮其所已危，求其所已安，如此而已。

晉書范弘之傳

與王珣書

見足下荅仲堪書，深具義發之懷。夫人道所重，莫過君親。君親所係，忠孝而已。孝，已揚親爲主，忠，已節義爲先。殷侯忠貞，居正心，貫人神，加與先帝隆布衣之好，著莫逆之契，契闊艱難，夷嶮已之，雖受屈姦雄，志達千載。此忠良之徒，所已義于其心，不獲已已者也。既當時貞烈之徒，所究見，亦後生所備聞。吾亦何敢苟避狂狷，已欺聖明，足下不推居正之大致，而懷知己之小惠，欲已幙府之小

節奪名教之重義于君臣之際既已虧矣。尊大君已殷矣。協契忠
規。同戴王室。志厲秋霜。誠貫一時。殷侯所已得宜。其義聲實尊大
君。協贊之力也。足下不能先大君。此之直志。乃感溫小顧懷其曲
澤。公在聖世。欺罔天下。使丞相之德不及三葉。領軍之基一構。而
傾此忠臣所已解心。孝子所已喪氣。父子之道。固若是乎。足下言
臣則非忠。語子則非孝。二者既亡。吾誰畏哉。吾少嘗過庭。備聞祖
考之言。未嘗不發憤衝冠。情見乎辭。當爾之時。惟覆亡是懼。豈暇
謀及國家。不圖今日得操筆斯事。是已上憤國朝無正義之臣。次
惟祖考有沒身之恨。豈得與足下同其肝膽邪。先君往亦嘗爲其
吏。于時危懼。恆不自保。仰首聖朝。心口憤歎。豈復得計策名昔日。
自同在三邪。昔子政已五世純臣。子駿已下委質王莽。先典既已
正其逆順。後人亦已鑒其成敗。每讀其事。未嘗不臨文痛歎。憤懷
交懷。已今況古。乃知一揆耳。

晉書范
弘之傳

賜進士出身
二部銜廣東等處提刑按察使司按察使兼管驛傳事務
黃岡王毓藻校刊

全晉文卷一百二十五終